

**შოთა რუსთაველის საქართველოს ეროვნული სამეცნიერო ფონდისა და გერმანიის
იულიხის კვლევითი ცენტრის ერთობლივი საგრანტო
კონკურსის პირობები**

1. ზოგადი დებულებები

1. საგრანტო კონკურსის მიზანია:

ა) გააღრმავოს გერმანულ-ქართული სამეცნიერო თანამშრომლობა და ცენტრში სამეცნიერო სტაჟირების გავლის გზით ხელი შეუწყოს საქართველოს უმაღლესი საგანმანათლებლო დაწესებულებების (შემდგომში – უნივერსიტეტები) მაგისტრანტებისა და დოქტორანტების კვალიფიკაციის ამაღლებას;

ბ) საქართველოს უნივერსიტეტების მაგისტრანტებისა და დოქტორანტებისათვის შესაძლებლობის მიცემა ცენტრის სამეცნიერო ბაზაზე განახორციელონ ფუნდამენტური და გამოყენებითი ხასიათის კვლევითი პროექტები;

გ) ცენტრისათვის შესაძლებლობის მიცემა, მოიზიდოს საქართველოს უნივერსიტეტებიდან საუკეთესო მაგისტრანტები და დოქტორანტები სამაგისტრო და სადოქტორო პროგრამებისათვის საჭირო კვლევების განსახორციელებლად;

დ) ცენტრისა და გერმანიის სხვა სამეცნიერო დაწესებულებების (უნივერსიტეტების, ინსტიტუტების) მეცნიერებთან საქართველოს უნივერსიტეტების მაგისტრანტებისა და დოქტორანტების გრძელვადიანი თანამშრომლობის ხელშეწყობა.

2. სსიპ – შოთა რუსთაველის საქართველოს ეროვნული სამეცნიერო ფონდისა (შემდგომში – ფონდი) და გერმანიის იულიხის კვლევითი ცენტრის (შემდგომში – ცენტრი) ერთობლივი საგრანტო კონკურსი (შემდგომში – საგრანტო კონკურსი) გულისხმობს საქართველოს უნივერსიტეტების მაგისტრანტებისა და დოქტორანტების ცენტრში სამეცნიერო სტაჟირებას.

3. სამეცნიერო სტაჟირების საგრანტო კონკურსში პროექტის წარდგენა შესაძლებელია შემდეგ სამეცნიერო სფეროებში:

- ა) მათემატიკური მეცნიერებები
- ბ) საინფორმაციო ტექნოლოგიები
- გ) საბუნებისმეტყველო მეცნიერებები
- დ) საინჟინრო მეცნიერებები
- ე) სიცოცხლის შემსწავლელი და სამედიცინო მეცნიერებები

4. კონკურსი ფინანსდება საქართველოს სახელმწიფოსა და გერმანიის იულიხის კვლევითი ცენტრის ბიუჯეტებიდან და მის ადმინისტრირებას ახორციელებს ფონდი და ცენტრი ერთობლივად საქართველოს განათლებისა და მეცნიერების მინისტრის 2011 წლის 30 დეკემბრის №226/ნ ბრძანების, ფონდსა და ცენტრს შორის დოქტორანტებისა და მაგისტრანტებისათვის იულიხ-საქართველოს ერთობლივად დაფინანსებული პროგრამის შესახებ შეთანხმებისა და ფონდის გენერალური დირექტორის წინამდებარე ბრძანებით განსაზღვრული წესების შესაბამისად.

მუხლი 2. კონკურსში მონაწილე სუბიექტები და მონაწილეობის პირობები

1. კონკურსში მონაწილეობა და გრანტის მიღება შეუძლია საგრანტო კონკურსის გამოცხადების დღისათვის **30 წლამდე ასაკის** მაგისტრანტებსა და დოქტორანტებს ივ. ჯავახიშვილის სახელობის თბილისის სახელმწიფო უნივერსიტეტიდან, საქართველოს ტექნიკური უნივერსიტეტიდან, ილიას

სახელმწიფო უნივერსიტეტიდან, საქართველოს აგრარული უნივერსიტეტიდან ან საქართველოს სხვა უნივერსიტეტიდან (ცენტრთან ურთიერთშეთანხმებით).

2. კონკურსში მონაწილე **მაგისტრანტი** უნდა იყოს ბაკალავრის ან მასთან გათანაბრებული ხარისხის მქონე, საქართველოში ავტორიზებული უნივერსიტეტის სამაგისტრო პროგრამის სტუდენტი, რომელიც მაგისტრატურის საგანმანათლებლო პროგრამისთვის საჭირო კვლევას განახორციელებს კონკურსით გათვალისწინებულ სამეცნიერო მიმართულებებში;

3. კონკურსში მონაწილე **დოქტორანტი** უნდა იყოს მაგისტრის ან მასთან გათანაბრებული ხარისხის მქონე, საქართველოში ავტორიზებული უნივერსიტეტის სადოქტორო პროგრამის სტუდენტი, რომელიც დოქტორანტურის საგანმანათლებლო პროგრამისათვის საჭირო კვლევას განახორციელებს კონკურსით გათვალისწინებულ სამეცნიერო მიმართულებებში.

4. კონკურსში მონაწილეს იულისხის კვლევითი ცენტრში უნდა ჰყავდეს სამეცნიერო სტაჟირების **სამეცნიერო ხელმძღვანელი**.

5. საგრანტო კონკურსში თითოეულ მონაწილეს შეუძლია მხოლოდ ერთი პროექტის წარმოდგენა.

მუხლი 3. ძირითადი ფინანსური მოთხოვნები

1. საკონკურსოდ წარდგენილი პროექტით გათვალისწინებული სამეცნიერო სტაჟირების ხანგრძლივობა უნდა აკმაყოფილებდეს შემდეგ პირობებს:

ა) მაგისტრანტებისათვის დაფინანსებული სამეცნიერო სტაჟირების ხანგრძლივობა შესაბამისობაში უნდა იყოს საქართველოს უნივერსიტეტებში მათი მაგისტრატურის საგანმანათლებლო პროგრამის კურიკულუმთან.

ბ) დოქტორანტებისათვის დაფინანსებული სამეცნიერო სტაჟირების ხანგრძლივობა განისაზღვრება 3 წლამდე ვადით. დაფინანსებულ დოქტორანტს უფლება აქვს სამეცნიერო სტაჟირების ვადა გააგრძელოს არაუმეტეს 6 თვისა, დამატებითი დაფინანსების მოთხოვნის გარეშე. ვადის გაგრძელება შეთანხმებული უნდა იყოს ფონდთან და ცენტრთან და უნდა ეფუძნებოდეს მიმღები კვლევითი ინსტიტუტისა და იმ უნივერსიტეტის ოფიციალურ მოთხოვნას, რომელშიც ირიცხება დოქტორანტი. ცენტრში სამეცნიერო სტაჟირების ჯამური ხანგრძლივობა არ უნდა იყოს წელიწადში 8 თვეზე ან/და სემესტრში 4 თვეზე ნაკლები.

2. კონკურსზე წარმოდგენილი პროექტისათვის თითოეული საანგარიშო პერიოდის ხანგრძლივობა უნდა შეადგენდეს 6 თვეს.

3. ცენტრში ყოფნის პერიოდში ყოველთვიური ანაზღაურება (სტიპენდია) მაგისტრანტებისათვის შეადგენს 900 ევროს ეკვივალენტს ლარში, ხოლო დოქტორანტებისათვის – 1400 ევროს ეკვივალენტს ლარში.

4. პროექტის ბიუჯეტი შესაძლოა ითვალისწინებდეს შემდეგ მუხლებს/ხარჯვით კატეგორიებს:

ა) ფონდის მიერ ანაზღაურებად საერთაშორისო მგზავრობის ხარჯებს დანიშნულების ადგილამდე; წელიწადში მაქსიმუმ ორი ორმხრივი მგზავრობა საქართველოსა და გერმანიას შორის;

ბ) ცენტრის მიერ ანაზღაურებად სამოგზაურო ხარჯებს, რომელიც დაფარავს ევროკავშირის ფარგლებში წელიწადში ერთ მოგზაურობას სამაგისტრო/სადოქტორო თემასთან შინაარსობრივად მჭიდროდ დაკავშირებულ სამეცნიერო ღონისძიებაზე დასასწრებად;

გ) ცენტრში ყოფნის პერიოდში ყოველთვიურ ფიქსირებულ სტიპენდიას, რომელიც დაფარავს საცხოვრებელი ბინის, დაზღვევის, შიდა ტრანსპორტირების, კვებისა და სხვა ხარჯებს.

5. ყოველთვიური სტიპენდიის 50%-ს ფარავს ფონდი, ხოლო 50%-ს – ცენტრი.

6. ფონდი არ ანაზღაურებს პროექტის მომზადებისა და წარდგენისათვის გაწეულ ხარჯებს.

მუხლი 4. საკონკურსო დოკუმენტაცია

1. საგრანტო კონკურსში მონაწილეობის მსურველებმა საგრანტო პროექტი უნდა დაარეგისტრონ კონკურსის ოფიციალურ ელექტრონულ ფოსტაზე juelich@rustaveli.org.ge და წარმოადგინონ საკონკურსო დოკუმენტაცია ქართულ და ინგლისურ ენებზე. ეს დოკუმენტებია:

- ა) **განაცხადის ფორმა** - თავფურცელი (დანართი 2);
- ბ) **მოწვევის წერილი¹** - ცენტრის მიმწვევ ინსტიტუტში გრანტის მამიებლის ხელმძღვანელის (დაწესებულების/იურიდიული პირის) უფლებამოსილი პირის მხრიდან გაცემულ ოფიციალური წერილის დასკანირებული ინგლისური ვერსია და ქართული თარგმანი დამოწმებული თარჯიმანთა ბიუროს მიერ;
- გ) **სარეკომენდაციო წერილი** - მაგისტრანტის/დოქტორანტის ხელმძღვანელისგან საქართველოდან გამგზავნი უნივერსიტეტიდან (ინგლისური და ქართული ვერსიები, ხელმოწერილი ხელმძღვანელის მიერ);
- დ) **საგრანტო პროექტი და ცენტრში განსახორციელებელი სამეცნიერო კვლევის გეგმა**, რომელიც დაბეჭდილია ცენტრის ოფიციალურ ლოგოიან ფურცელზე და ხელმოწერილია სამეცნიერო სტაჟირების სამეცნიერო ხელმძღვანელის მიერ იულისხის ცენტრიდან (დასკანირებული ინგლისური ვერსია და ქართული თარგმანი დამოწმებული თარჯიმანთა ბიუროს მიერ).
- ე) **კონკურსში მონაწილის ბიოგრაფია (CV)** (ნიმუში - დანართი 3, GMUS-ის ფორმატი) - ამისათვის საჭიროა კონკურსში მონაწილე მაგისტრანტი/დოქტორანტი დაარეგისტრირდეს ფონდის გრანტების მართვის ერთიან სისტემაში GMUS-ში <http://gmus.rustaveli.org.ge> , შექმნას „მეცნიერის პროფილი“ ქართულ და ინგლისურ ენებზე. „მეცნიერის პროფილიდან“ დააგენერიროს და ჩამოტვირთოს CV-ის ქართული და ინგლისური ვერსიები;
- ვ) **სამეცნიერო ხარისხის დამადასტურებელი დოკუმენტი**: მაგისტრანტისთვის - ბაკალავრის დიპლომი, დოქტორანტისათვის - მაგისტრის დიპლომი. (ქართულად და თარგმანი ინგლისურად, ან გერმანულად. თარგმანი დამოწმებული უნდა იყოს უნივერსიტეტის ადმინისტრაციის მიერ);
- ზ) **ცნობა მაგისტრატურის/დოქტორანტურის პროგრამაზე სწავლის შესახებ** გაცემული საქართველოს მხრიდან წარმდგენი უნივერსიტეტის მიერ 2018 წლის შემოდგომის სემესტრის პერიოდში (ქართულად და ინგლისური თარგმანი დამოწმებული თარჯიმანთა ბიუროს მიერ);
- თ) **გერმანული ან ინგლისური ენის ფლობის დამადასტურებელი საბუთი** - სერტიფიკატი, ან შესაბამისი ცოდნის დამადასტურებელი დოკუმენტი (ინგლისურად ან გერმანულად, რომელსაც თან ახლავს მისი ქართული თარგმანი დამოწმებული თარჯიმანთა ბიუროს მიერ; ინგლისური ან გერმანული ენის ცოდნის დამადასტურებელი საბუთი შეიძლება გაცემული იყოს უნივერსიტეტის ადმინისტრაციის მიერ.
- ი) **ბიუჯეტი** (მაგისტრანტებისათვის - დანართი 4, დოქტორანტებისათვის - დანართი 5);
- კ) **პროექტით გათვალისწინებული შედეგები** (დოქტორანტებისათვის - დანართი 6).

2. საგრანტო კონკურსში მონაწილეობისათვის ფონდის კანცელარიაში კონკურსანტებმა უნდა წარმოადგინონ „განაცხადება კონკურსში მონაწილეობის შესახებ“ (დანართი 7) შესაბამისად შევსებული და ხელმოწერით დამოწმებული.

3. კონკურსში გამარჯვების შემთხვევაში გრანტის მიმღებმა ფონდის კანცელარიაში უნდა წარმოადგინოს:

- ა) მოწვევის წერილის ორიგინალი;
- ბ) საგრანტო პროექტი და ცენტრში განსახორციელებელი სამეცნიერო კვლევის გეგმის

¹ იულისხის ცენტრის ინსტიტუტში მომუშავე მეცნიერის მიერ ხელმოწერილი მოწვევა (მეცნიერ-ხელმძღვანელობაზე თანხმობა) წარმოდგენილი უნდა იყოს იულისხის ოფიციალურ შტამპთან ქალაქში (მისამართის, ტელეფონის, ფაქსისა და ელექტრონული ფოსტის მითითებით). მოწვევა ნათლად უნდა განსაზღვრავდეს დაგეგმილი კვლევითი სტაჟირების ვადებს.

ორიგინალი;

გ) მიზნობრივი ანგარიშის რეკვიზიტები – ამ პროექტისათვის გახსნილი მიზნობრივი საბანკო ანგარიშის ნომერი, რომელზეც ჩაირიცხება გრანტის თანხა და ცნობა ბანკიდან, რომ აღნიშნულ ანგარიშზე არ დაირიცხება სარგებელი;

დ) გრანტის მადიებლის პირადობის დამადასტურებელი დოკუმენტის ასლი.

4. საკონკურსო დოკუმენტაცია წარმოდგენილი უნდა იყოს ამ ბრძანებით დამტკიცებული წესების, ფორმებისა და ვადების დაცვით.

5. პროექტის სრულყოფილად წარმოდგენაზე, ქართული და ინგლისური ვერსიების იდენტურობასა და თარგმანის ხარისხზე პასუხისმგებელია კონკურსში მონაწილე.

მუხლი 5. კონკურსზე რეგისტრაციის წესი

1. კონკურსში პროექტის რეგისტრაცია ხორციელდება ორ ეტაპად:

ა) ელექტრონული რეგისტრაცია – 2018 წლის 25 ოქტომბრიდან - 20 ნოემბრის 16:00 საათამდე;

ბ) ფონდის კანცელარიაში რეგისტრაცია – 2018 წლის 21 ნოემბრის 16:00 საათამდე.

2. ელექტრონული რეგისტრაციის ეტაპზე საჭიროა:

ა) საკონკურსო დოკუმენტაციის წარმოდგენა კონკურსის ოფიციალურ ელექტრონულ ფოსტაზე juelich@rustaveli.org.ge დადგენილი ვადების დაცვით.

ბ) ელექტრონული რეგისტრაციისათვის რეკომენდებულია: მე-4 მუხლის 1-ლი პუნქტის „ა“-„თ“ ქვეპუნქტებით განსაზღვრული დოკუმენტების ქართული და ინგლისური ვერსიები წარმოდგენილი იყოს გაერთიანებული PDF ფაილის სახით. ქართული ვერსიის ფაილის სათაური იყოს GE_Project_Gvari, ხოლო ინგლისური ვერსიის ფაილის სათაური - ENG_Project_Gvari. მე-4 მუხლის 1-ლი პუნქტის „ი“ და „კ“ ქვეპუნქტით განსაზღვრული დოკუმენტები წარმოდგენილი უნდა იყოს Excel ფაილის სახით (ფაილის სათაური: Budget_Gvari და Deliverables_Gvari)

გ) კონკურსის ელ. ფოსტაზე მიღებულ თითოეულ პროექტს მიენიჭება სარეგისტრაციო შიფრი და გაეგზავნება კონკურსანტს.

3. ფონდის კანცელარიაში რეგისტრაციის ეტაპზე საჭიროა: კონკურსში მონაწილემ შეავსოს „განცხადება კონკურსში მონაწილეობის შესახებ“ (დანართი 7), მიუთითოს ელექტრონული რეგისტრაციის ეტაპზე მინიჭებული შიფრი, შეავსოს ინფორმაცია, დაადასტუროს ხელმოწერით და წარმოადგინოს ფონდის კანცელარიაში დადგენილი ვადების დაცვით.

4. საკონკურსოდ განიხილება მხოლოდ ის პროექტი, რომელსაც დადგენილი ვადებისა და წესების დაცვით გავლილი აქვს ელექტრონული რეგისტრაცია და ფონდის კანცელარიაში წარმოდგენილი აქვს შესაბამისი „განცხადება კონკურსში მონაწილეობის შესახებ.“

მუხლი 6. კონკურსის ადმინისტრირება

1. ფონდი უფლებამოსილია კონკურსზე წარმოდგენილი პროექტზე დართული დოკუმენტების ტექნიკური ექსპერტიზის საფუძველზე დაადგინოს ხარვეზი და იმოქმედოს კანონის შესაბამისად.

2. ფონდი უფლებამოსილია საგრანტო კონკურსის ნებისმიერ ეტაპზე კონკურსიდან მოხსნას პროექტი, რომელიც არ შეესაბამება კონკურსის მიზნებისათვის დადგენილ მოთხოვნებს, არასრულყოფილია ან შეიცავს ყალბ ინფორმაციას.

მუხლი 7. პროექტების შეფასება

1. კონკურსის მოთხოვნებთან შესაბამისობაში მყოფი რეგისტრირებული პროექტების შეფასება და კონკურსში გამარჯვებულის გამოვლენა განხორციელდება საქართველოს განათლებისა და

მეცნიერების მინისტრის 2011 წლის 30 დეკემბრის №226/ნ ბრძანების მე-8 მუხლში განსაზღვრული წესებით.

მუხლი 8. საგრანტო ხელშეკრულება

1. დასაფინანსებლად შერჩეული პროექტების ფონდის გენერალური დირექტორის მიერ დამტკიცების შემდეგ ფონდი უზრუნველყოფს გრანტის მიმღებებთან საგრანტო ხელშეკრულებების გაფორმებას, რომელშიც დეტალურად გაიწერება ურთიერთვალდებულებათა პირობები.
2. საგრანტო ხელშეკრულება გაფორმდება კონკურსში გამარჯვებულებთან, რომლებიც წარმოადგენენ ამ პირობების მე-4 მუხლის მე-3 პუნქტით გათვალისწინებულ დოკუმენტებს.
3. ხელშეკრულების გაფორმების შემდეგ პროექტის საგრანტო დაფინანსება ხორციელდება 6-თვიანი ტრანშების სახით. გრანტის თანხები გადაირიცხება პროექტის მიზნობრივ ანგარიშზე ავანსის სახით. პირველი ტრანში გადაირიცხება ხელშეკრულების გაფორმებიდან 30 კალენდარული დღის ვადაში. ყოველი მომდევნო ტრანში გადაირიცხება შესაბამისი საანგარიშო პერიოდის შუალედური ანგარიშების განხილვის საფუძველზე.

მუხლი 9. პროექტის შესრულების მონიტორინგი

1. გრანტის მიმღები ვალდებულია ყოველი საანგარიშო პერიოდის ბოლოს ფონდის გენერალური დირექტორის მიერ დამტკიცებული ფორმების შესაბამისად ფონდს წარუდგინოს პროექტის ფარგლებში განხორციელებული პროგრამული აქტივობებისა და გაწეული ხარჯების დოკუმენტირებული ანგარიში.
2. ფონდი ახორციელებს დაფინანსებული პროექტების საგრანტო ხელშეკრულების შესრულების მონიტორინგს (შემდგომში - მონიტორინგი) საქართველოს განათლებისა და მეცნიერების მინისტრის 2011 წლის 30 დეკემბრის №226/ნ ბრძანების მე-10 მუხლში განსაზღვრული წესებით.

მუხლი 10. დამატებითი მოთხოვნები გრანტის მიმღებთა მიმართ

1. სასურველია, გრანტის მიმღებმა დოქტორანტმა პროექტის ფარგლებში განხორციელებული კვლევის მასალებზე დაყრდნობით გამოაქვეყნოს სტატია სტაჟირების სამეცნიერო ხელმძღვანელის თანაავტორობით.
2. გრანტის მიმღები ვალდებულია, საგრანტო პროექტის ფარგლებში განხორციელებული კვლევის შედეგების ამსახველ პუბლიკაციებში (სტატია, მონოგრაფია, საკონფერენციო აბსტრაქტი და ა.შ.) სავალდებულოა მითითებული იყოს, რომ კვლევა განხორციელდა „შოთა რუსთაველის საქართველოს ეროვნული სამეცნიერო ფონდის მხარდაჭერით [გრანტის ნომერი ...]“ / „This work was supported by Shota Rustaveli National Science Foundation of Georgia (SRNSFG) [grant number ...]“. იმ შემთხვევაში, თუ გამოქვეყნებულ პუბლიკაციაში არ იქნება ასახული ზემოაღნიშნული ინფორმაცია, წარმოდგენილი დოკუმენტი არ განიხილება ფონდის მიერ პროგრამული მონიტორინგის განხორციელებისას. ერთ სტატიაზე შესაძლებელია მითითებული იყოს ფონდის მიერ გაცემული მხოლოდ ერთი გრანტის ნომერი.
3. საგრანტო პროექტის ფარგლებში შექმნილ ვიზუალურ პროდუქციაზე (ნაბეჭდ, ფოტო, აუდიო, ვიდეო, ელექტრონულ პროდუქციაზე და ვებგვერდზე) სავალდებულოა განთავსდეს შოთა რუსთაველის საქართველოს ეროვნული სამეცნიერო ფონდის ლოგო და მითითებული იყოს, რომ საგრანტო პროექტი განხორციელდა “შოთა რუსთაველის საქართველოს ეროვნული სამეცნიერო ფონდის მხარდაჭერით”.
4. ფონდი უფლებამოსილია გრანტის მიმღებთა მიერ წარდგენილი პროექტის აბსტრაქტი, პროგრამული ანგარიშები და ბეჭდვითი ან/და ვიზუალური მასალები გამოიყენოს საკუთარი საქმიანობის ანგარიშში, ბეჭდვით და ელექტრონულ გამოცემებში, განათავსოს ფონდის ვებგვერდებზე.